


IGREYIDI 2 ILIMI LEKHAYA

Idajana elimbi



SINDEBELE

Ileveli:

2

Incwadi

3



Ukufunda ngeenqhem okuhlahlwa ngutitjhere

Ngaphambi kokufunda

- Phendla uye ekhasini elinendatjana ezokufundwa. Khuluma ngeenthombe.
- Bawa abafundi bafunisele kobana indatjana imayelana nani ngokuthi bafunde isihloko bebaqale neenthombe.
- Yethula nanyana uhlathulule amagama alikhuni ngaphambi kobana abafundi bafunde indatjana.

Ukufunda kokuthoma

- Abafundi kumele bazifundele isiqetjhana ngokwabo.
- Abafundi kumele bafunde buthule nanyana bafundele phasi sakuhleba isiqetjhana soke.
- Khambakhamba hlangana nabafundi uqalisise kobana boke abafundi bayazibandakanya ekufundeni. Ungabawa kobana loyo umfundu oseduze kwakhe afundele phezulu indawana leyo efundwako.

Ukucocisana

- Buza imibuzo emayelana nalokho okufundiweko.
- Nqopho emagameni atjhejiweko, amatjhada nelwazi-magama.
- Uzokufunyana eminye yemisebenzi encwadini le ngemuva iqakathekile begodu ingahlahlah lokho ekungakhulunyiswana ngakho. (Khetha imisebenzi efaneleko nenembako eselevelini labafundi.)

Ukufunda kwesibili

- Ngamanye amalanga, ungavumela abafundi kobana babuyelete bafunde incwadi. Bangafunda ngamunye nanyana ngababili.
- Tjhejisisa ukufunda ngokutjhelela, ihlelo nelwazi-magama.
- Bawa abafundi baqedelele umsebenzi owenzwiwa ngeenqhem ekhona ngemuva kwencwadi le. (Khetha imisebenzi enembako esezingeni elifanele abafundi.)

Nangabe kunesithombe esinje,
abafundi abalingise indatjana leyo.



Ngemva kokuzifundela ngamunye, abafundi kumele bafunde ngeenqhem. Abafundi abasebenzisane ngeenqhem ukuqedelela umsebenzi onembako ongemuva encwadini le. Abafundi akukameli batlole okuthileko phezu kwencwadi le. Umsebenzi otlolwako awutlolelwe ngeencwadini zabo zokutlolela umsebenzi.


Idajana elimbi



Unina lamadada wabe ahlala
nomndeni wakhe eplasini
elithileko.

Unina lamadada wabe ahlezi
phezu kwamaqanda alikhomba
awafukamela.

Sekusikhathi sokobana
amaqanda wami la acocosele.
Sengirhabe kwamanikelela
ukubona amadajana wami.



Woke amaqanda asithandathu
aqephuka ngalinye ngalinye
ngaphandle kweqanda elikhulu.
“Yetjhe, nginguNsibana,” k watjho
idajana lokuthoma.

Mina nginguThemba,” kwatsiyoza
idajana lesibili.

“Mina nginguZaza,” k watjho idajana
lesithathu.

“Mina -ke nginguNiki,” k watjho
idajana lesine libona kwanga lizabe
lingasakwazi ukukhulumu.

“Iphasi leli likhulu kangangani!”
K watjho amadajana kanyekanye.

Ngiyazibuza bonyana iqanda
elikhulu leli liyokucocosela nini.

Ngiyazibuza godu bonyana
idajana lami lokugcina liyokuba
njani.



Unina lamadajana wahlala
bewahlala phezu kweqanda
elikhulu, do ukucocosela. Ilanga
nalo alikalindi umuntu, nanto
liyatjhinga.

Ekugcineni iqanda elikhulu
laqephuka kwase kuphuma
idajana elimbi.

Idajana lelo labe lilikhulu liwedlula
woke amadajana amanye
asithandathu.

Idajana lelo labe lilikhulu begodu
libonakala linamandla tle.



Ngiphumile! Akhe
uqale bonyana iphasi
lihle kangangani!

Kwathi elangeni elilandelako,
unina lamadajana wathatha woke
amadajana wakhe waya nawo
esizibeni.

"Qalani bonyana idajana lokugcina
linjani! Mntwana onjani lo kanti!"
Kwarhuwelela unina lamadajana
ngelizwi elirhorozelako.

"Ga-ga-ga! Lidajana elimbi-ke
lelo," kwahleka ikomo izikarulela
utjani.


Asikhambeni bentwana
siyokududa esizibeni.




Kungakadluli isikhathi
esingangani, amadajana alikhomba
eqela ngesizibeni. Aduda
kamnandi bekaziphatjhazel
ngamanzi.



Okumangazako kukobana
idajana elimbi ngilo eliduda
kuhle ukuwedlula woke amanye
amadajana.





Idajana elimbi lona belibonakala bonyana alikathabi nanyana sele lisekhaya. Zoke ezinye iinlwana bezilinina. Izinja bezilikhonkotha bese kuthi iinkukhu zona ziligobole isidlhogoro.

“Zoke ezinye iinlwana ziyanjinina ngombana ngimumbi,” kwatjho idajana ngelizwi elirhawulako.

Kwathi ngelinye ilanga
kusebusuku, idajana elimbi
laqunta ukubaleka kwabo.
"Woke umuntu akangithandi.
Namhlanje ngiyabaleka,"
kwatjho idajana elimbi.



Idajana elimbi belizikhambela
litjhinga enzasi ngemlanjeni lokha
nalizakubona iinyoni ezikulu ezihle
nazidudako. Qala bonyana iinsiba
zeenyoni lezi zihle kangangani.

Zihle iinyoni zekosi bezineentamo
ezide. Lokha naziphaphako,
ziphaya amaphiko kwanga
ziyadllala.

“Nami ngifisa kwangathi
ngingadllala nazo,” kwatjho idajana
elimbi.

“Qala mina ngimumbi begodu
anginabo abangani,” kwangezelela
idajana elimbi.





Igabhogo lathoma ukukhithika,
kwagcina sele kumhlophe kiyo yoke
indawo. Namhlanje kumakhaza tle
begodu namanzi alele irhwaba.
Idajana elimbi liyagodola begodu
alikathabi ngesenzo salo. "Kumele
ngizifihle kude bengizifuthumeze,"
kwatjho idajana.




... kwase kungena isiruthwana
Ilanga lahlaba kватjhisa
bhe! Imithi yabahlaza godu
bekwaphephetha nommoya
omakhaza. Kwathi ngelinye ilanga
kusekuseni, amadajana amancani
bekakhambahakhamba atjhinga
ngemlanjeni lokha nakazakubona
iinyoni ezihle zelwandle ziduda
kamnandi.



Idajana lahlala phasi laqala
iinyoni ezihle zelwandle lokha
naziduda ngemanzini. Idajana
ladana belathoma ukulila.

"Mina kuthiwa ngimumbi,
anginabangani begodu ngihlala
nginesizungu."



Idajana elimbi lathi lisalila njalo,
labe lathontisa neenyembezi.

Lathi naliqala iinyemezi zalolokha
nanzenza isithunzi esibuyisa.

Isithombe, lazibona. "Mina
ngiyinyoni yelwandle ehe."

Kwathi kusese njalo, nanzo
iinyoni zelwandle ezihle zidlula
ziduda kamnandi.

Iinyoni lezo zase zibiza idajana
elimbi bonyana lize lizokududa
nazo.

Idajana elimbi leqela ngemanzini
ngokurhaba okukhulu beladuda
kamnandi.

Lathoma ukuphila ipilo emnandi
ukusukela mhlanokho.

Yiza uzokududa nathi!
Wena ujinyoni ehle yelwandle.
Ujinyoni ehle khulu
kwamambala ukuzidlula zoke
iinyoni zelwandle.



Umsebenzi owenziwa ngeenqhem



1 Cocani ngendatjana engehla.

- Sekelani iimpendulo zenu niveze bonyana indatjana niyithandile na?
- Amaqanda acocosela ngasiphi isikhathi somnyaka? Sekelani ipendulo yenu.
- Nanicabangako ingabe idajana lekhomba ingabe belilimbi ngamambala? Kungani nicabange njalo?



2 Qedeleta umsebenzi olandelako:

- Thola amagama anamatjhada alandelako endatjaneni bese uwtlola phasi:
hl th nz gc ng
- Buyelela utbole imitjho engenzasi kodwana ibe sesikhathini esidlulileko.

Iqanda liyaqephuka kuphuma idajana elimbi.

Idajana liyaduda, liphatjhaza amanzi kamnandi.

- Tlola amatshwayo wokufunda nokutlola emitjhweni elandelako.

• , ? !

“ ”

Ngiyabaleka ngiyakude kватjho idajana

Ga-ga-ga Qala idajana elimbi leliya kватjho ikomo


Uyini Idada nanyana irhansi

- Sebenzisa imitjho emine ukuya kemihlanu bese utlola esinye isiphetho esihlukileko kinaleso esisendatjaneni. Gwala isithombe usimadanise nesiphetho esitjha.



3

Qalisisa iinthombe bese uphendula imibuzo engenzasi:



4

Madanisa abentwana nabonina:

| |
|--------|
| idada |
| ikomo |
| imvu |
| ikukhu |
| inja |
| inyoni |
| imbuzi |




| |
|-----------|
| inyonyana |
| idzinyani |
| ikonyana |
| imvana |
| umdlwani |
| idajana |
| imbuzana |



5

Funda iphostara bese wena naloyo
ohlezi eqadi kwakho nicocisane ngayo.



Amalungelo wabentwana

Abentwana abanengi bayatlhoriswa begodu
abalifunyani itjhejo elifaneleko. Abanye
bayatheliswa, abanye bayabethwa begodu abanye
bayathukwa. Nanyana ngubani ongafuni bonyana
ilungelo lakho lifezekiswe, wephula umthetho.



Boke abentwana banelungelo lokuthandwa,
lokulalelwa nelokutlhogonyelwa.

Abentwana banelungelo lokufunda, lokudlala
nelokuzithabisa.

Abentwana banelungelo lokufunyana ukudla, lokuba
nekhaya nokuphathwa ngendlela efaneleko.

Abentwana banelungelo lokwelatjhwa
nabagulako, lokuvikelwa kilabo ababatlhorisako
nelokungaphathwa kumbi.

Abentwana banelungelo lokuphila nokuhlala
ebhodulukweni elihlwengileko.

IGREYIDI 2 ILIMI LEKHAYA



Incwadi 3

| | |
|---|--|
| Isihloko: | Idajana elimbi |
| Ilimi: | IsiNdebele |
| Ileveli: | IGreyidi 2 Incwadi yokufunda ngeLimi Lekhaya Ileveli 2 Incwadi 3 |
| Umhlobo womtlolo: | Ococwako |
| Amagama atjhejweko: | ukuphatjhaza, isithunzi, ukufukama |
| Ilwazi-magama: | ukucocosela, ukufukamela, iminyembezi, isithunzi, ukunina, ukuqephuka, ukugabhoga, irhwaba |
| Amatjhada: | -ph-, -rh-, -mb-, -hl-, -th-, -gc- ; -nd-, -ph- -ny- |
| Okumumethweko, imibono namakghono: | <ul style="list-style-type: none">▪ Nikela wakho umbono ngendatjana.▪ Tlola isihloko esinye esingafanelia indatjana.▪ Veza imehluko nokufana okusendatjaneni.▪ Phendula imibuzo yokuzwisia ngendatjana.▪ Tlola amagama ngesihlathululini-magama ozenzele sona.▪ Buyelela utbole imitjho kodwana ibe sesikhathini esizako.▪ Funyana bewutbole amatshwayo wokutlola anembako.▪ Tlola esinye isiphetho sibe nemida emi-4-5 esizokufanelia indatjana engehla le.▪ Gwala isithombe esizokukhambisana nemitjho oyitlolileko. |

IsiTatimende somThetho-kambiso
weKharikhyulamu nokuHlola, sifuna bonyana
abotitjhere babekele ngeqadi isikhathi qobe
lilanga baqale umsebenzi wokufunda ohlahlw
ngutitjhere.

Ukufunda okuhlahlw ngutitjhere kufuna abafundi
abafunda ngezinga lokutjhelela elifanako bonyana
bafunde isiqetjhana esifanako, ngeenqhema
begodu ngaphasi kwelawulo lakatjhere.

Utitjhere kufanele ahlele iinkhathi zokufunda
sekufaka hlangana namagama athileko
azokuhlatululwa esiqetjhaneni kanye namaqhinga
anembako wokufunda azokutlhogwa bafundi.
Elinye iqhinga elitlhogekako ngelokukhuluma
ngesiqetjhana hlangana kwabafundi notitjhere
begodu hlangana kwabafundi babodwa
ngeenqhema.

Iincwadi lezi zifaka hlangana iinqetjhana
ezinengi ekungakhulunywa ngazo, iinqetjhana
ekungasuselwa kizo imibuzo kanye neminye
imisebenzi engakusiza wena titjhere ukuze ukwazi
ukuhlahla abafundi bakho.



ISBN 978-1-4315-2428-0



**THIS BOOK MAY NOT
BE SOLD.**



basic education

Department:
Basic Education
REPUBLIC OF SOUTH AFRICA

Published by the Department of Basic Education
222 Struben Street, Pretoria
South Africa

© Department of Basic Education
First edition 2016

The Department of Basic Education has made every effort to trace copyright
holders but if any have been inadvertently overlooked, the Department will
be pleased to make the necessary arrangements at the first opportunity.

Author: V McKay

Ezinye iincwadi zeGreyidi
2 ezisematjhelfini ngeLimi
Lekhaya:



UUSisi ufunyana abangani
abatjha

Yipilo yenja-ke leyo

Amadube ayithola njani
imida yawo

UJerry uthanda ukufunda



Ikonyana lendlovu uBubu
liyalahleka

Ngilokho abangani ebenzelwe
khona

Idajana elimbi



Umlelenjana wakaBheki
omutjha

Linlwana ziya elwandle

Umkhombo onguWendy
uyasindiswa